

Skýrsla stjórnar Ský fyrir starfsárið 2025-2026

Flutt á aðalfundi félagsins 26. febrúar 2026

57. starfsár Ský

Þá er 57. starfsári Ský lokið. Það voru 25 viðburðir á árinu. Voru þeir haldnir í Hörpu og gríðarleg ánægja er með aðstöðuna í Hörpu. Markmið okkar hefur alltaf verið óbreytt, að halda úti öflugri og faglegri starfsemi á sviði upplýsingatækni, m.a. með ráðstefnuhaldi og fræðslustarfsemi og gekk það vel eftir á síðasta ári. Fjárhagsstaða 2025 var mjög góð og félagið byrjað að bæta á eigið fé eftir mögum Covid ár. Á árinu stóðu allir sig vel í að uppfylla þessi markmið og halda áfram því góða starfi sem unnið hefur verið á undanförunum árum.

Félögum í Ský heldur áfram að fjölga sem er jákvætt. Fjöldi félaga í Ský eru 1210 í dag og er það mesti fjöldi frá stofnun félagsins.

Kynjahlutfallið er alltaf að jafnast og fer fjölgun kvenna vaxandi ár hvert og nú eru 63% karlar og 37% konur sem endurspeglar vel tæknigeirann á Íslandi. Vöxtur í heildartengslaneti Ský jókst á milli starfsára og eru í dag 4778 tengiliðir í tengslaneti Ský. Því ber að fagna. Félagið er því á góðri leið aftur og framtíðin er glæsileg.

Stjórn Ský á starfsárinu 2025-2026

Dagbjartur Vilhjálmsen, formaður

María Dís Gunnarsdóttir, ritari

Bragi Reynisson, meðstjórnandi

Dagný Edda Þórisdóttir, meðstjórnandi

Kristjana Björk Barðdal, gjaldkeri

Guðmundur Jósefsson, meðstjórnandi

Pétur Karl Ingólfsson, meðstjórnandi

Stjórnin fundaði mánaðarlega, bæði í raunheimum og í netheimum, en flestir stjórnarfundir í dag bjóða upp á báða heima.

Ráðstefnur og fundir

Funda- og ráðstefnuhald okkar fór eðlilega af stað á árinu og vorum við með 25 viðburði árinu. Faghópar voru virkir við ráðstefnu- og fundahöld. Yfirlit yfir liðna viðburði er að finna á vefsíðu félagsins (<https://www.sky.is/vidburdir>). Góð aðsókn var almennt á alla viðburði ársins.

UTmessan var haldin með hefðbundnu sniði 2026 þann 6. og 7. febrúar í Hörpunni og tókst hún frábærlega þar sem mættu um 1.500 gestir á ráðstefnudaginn og 67 fyrirlesarar stigu á stökk. Alls voru 82 fyrirtæki á sýningarsvæðinu. Um 12.000 manns mættu á opna tæknidaginn.

UT-verðlaun Ský

Frá árinu 2010 hefur Ský veitt árlega Upplýsingatækniverðlaun Ský. Um er að ræða heiðursverðlaun að danskri fyrirmynd fyrir framlag til upplýsingatækni á Íslandi. Reglur verðlaunanna kveða á um að verðlaunað sé framtak sem þegar hafi sannað sig og því er ekki um sprota- eða hugmyndaverðlaun að ræða.

Sýslumannsembættin hlutu Upplýsingatækniverðlaun Ský 2026

Sýslumannsembættin eru handhafar heiðursverðlauna UT-verðlauna Ský árið 2026 fyrir framúrskarandi framlag til upplýsingatækni.

Fimm undirverðlaun:

Fyrirtækið Mennsk ráðgjöf var verðlaunað sem fyrirmynd í fjölbreytileika, Evolv var verðlaunað fyrir að vera besta sprotafyrirtækið, Alfreð þótti veita bestu almennu stafrænu þjónustuna, þjónustu- og nýsköpunarsvið Reykjavíkur var verðlaunað fyrir bestu opinberu stafrænu þjónustuna og 50skills hlaut verðlaun fyrir að vera besta UT-fyrirtækið.

Tímaritið Tölvumál, ritnefnd, orðanefnd og siðanefnd

Veglegt eintak af Tölvumálum um „Dreifða tækni“ kom út í nóvember og var sent til félaga í Ský. Um var að ræða árgang 50 og blaðið einkar glæsilegt í ár í tilefni afmælisins. Vefútgáfa Tölvumála birtir nýja grein vikulega og má finna á vef félagsins (www.sky.is) og sífellt má sjá aukningu í lestri þar.

Orðanefnd

Orðanefnd Ský sér um að finna ný íslensk orð yfir hugtök tengd tölvutækni og hefur sett inn mörg ný orð síðustu mánuðina um öryggi og gervigreind og fleiri ný hugtök sem nefndinni hafa borist ábendingar um að vanti góða þýðingu á. Öll orðin eru að finna í Tölvuorðasafninu sem er hluti af Íðorðasafni Stofnunar Árna Magnússonar í íslenskum fræðum.

Siðanefnd

Siðanefnd hefur ekki starfað á vegum Ský síðustu árin.

Faghópar

Starf faghópanna á líðandi ári var jafn glæsilegt og áður. Þeirri venju hefur verið fylgt að hver faghópur sjái um að minnsta kosti einn stærri viðburð á vegum Ský á ári og svo var einnig í ár. Starf faghópanna er mikilvægur hlekkur í starfsemi félagsins og aldrei að vita nema fleiri faghópar líti dagsins ljós í nánustu framtíð.

Faghópar Ský og fjöldi í hverjum hópi:

- Fókus, faghópur um upplýsingatækni í heilbrigðisþjónustu: 238
- Sögudeild: 108
- Faghópur um fjarskiptamál: 238
- Faghópur um öryggismál: 395
- Faghópur um rafræna opinber þjónustu: 330
- Faghópur um vefstjórnun: 251
- Faghópur um hugbúnaðargerð: 356
- Faghópur um rekstur tölvukerfa: 287
- Faghópur um menntun, fræðslu og fræðistörfum í UT: 292
- Faghópur um hagnýtingu gagna: 305
- Faghópur um stafræna vörustýringu: 163
- Faghópur um gervigreind: 190

Innlent samstarf

Ský á samkvæmt lögum fulltrúa í stjórn Persónuverndar, Jónas Sturla Sverrisson er fulltrúi Ský og varamaður Guðrún Valdís Jónsdóttir.

Erlent samstarf

Ský hefur um margra ára skeið tekið þátt í evrópsku samstarfi upplýsingatæknifélaga á vettvangi CEPIS (Council of European Professional Informatics Societies). Skýrslutæknifélag Íslands (The Icelandic Computer Society) fékk fyrst allra í heiminum GULL aðild að "DiversIT charter" sáttmálanum á vegum CEPIS í maí 2021. Félagið er nú „ambassador“ fyrir DiversIT sáttmálann á Íslandi og felst það í því að félagið getur aðstoðað við að sækja um vottunina sem felst í því að auka hag fyrirtækja í tölvu- og tæknigeiranum með það að markmiði að ýta undir fjölbreytileika í fyrirtækjum auk þess að fjölga konum og ungu fólki í tæknistörfum.

Bebras

Hin árlega Bebras áskorun fór fram um allan heim í nóvember og einnig á Íslandi sem hefur verið þátttakandi frá árinu 2015. Bebras áskorunin kannar rökhugsun og tölvufærni með því að láta þátttakendur leysa krefjandi og skemmtileg verkefni. Það kostar ekkert að taka þátt og markmiðið að fá alla skóla með. Verkefnið er keyrt samhliða í flestum löndum í byrjun nóvember á hverju ári. Árið 2025 tóku 3.162 nemendur frá 44 skólum þátt en allir skólar með nemendur á aldrinum 6-18 ára geta verið með.

Afkoma félagsins

Eftir erfið ár síðan covid hefur félagið náð frábærum árangri og skilaði góðum hagnaði til að vinna upp sjóði félagsins.

Lokaorð

Ský á sér bæði langa og farsæla sögu sem þverfaglegt félag þeirra sem vilja hagnýta sér eða hafa áhuga á upplýsingatækni. Félagið heldur ráðstefnur, gefur út og starfrækir faghópa. Rekur félagið nú áfram skrifstofu með tveimur stöðugildum. Óhætt er að fullyrða að félagið hefur haft umtalsverð áhrif á framþróun upplýsingatækninnar hér á landi. Starfsemin byggir að miklu leyti á ómældri sjálfboðavinnu stjórnarmanna, ritnefndar, orðanefndar og faghópa. Í félaginu starfar hæft fagfólk úr ýmsum greinum atvinnulífsins sem ekki telur eftir sér að undirbúa viðburði félagsins, að ógleymdum fyrirlesurum. Stjórn Ský vill hér með þakka öllum þessum aðilum fyrir þeirra mikilvæga framlag við að efla starfsemi félagsins.

Starfsmenn félagsins eiga lof skilið fyrir það mikla starf sem þær hafa innt af hendi á árinu. Þær hafa sýnt mikla hæfileika í verkefnastjórn á stórum sem litlum viðburðum og eru þeim kostum gæddar að draga fram í dagsljósið allt það besta sem félagsmenn Ský og aðrir í upplýsingatækniheiminum hafa upp á að bjóða. Við teljum að félagið sé vel rekið og mun halda áfram af sama krafti á komandi starfsári.

F.h. stjórnar Ský,
Dagbjartur Vilhjálmsson, formaður.